



Co-funded by
the European Union



CASHARKA 5: SAHMINTA AQOONSIGAAGA

Qore: Margaret William

Fasalka/Heerka:

Dugsiga Dhexe (Da'da 12–14)

Maadada:

Af-Carabi

Wakhtiga:

60 daqiiqo

Hadafka:

- Ardaydu waxay ka fiirsan doonaan oo muujin doonaan aqoonsigooda iyagoo adeegsanaya Af-Carabi.
- Ardaydu waxay ku tababaran doonaan xirfadaha hadalka, qorista, iyo hal-abuurka.
- Ardaydu waxay baran doonaan erayo muujinaaya aragtiyadooda.

Qorshaha Casharka:

1. Diyaar-garow (10 daqiiqo)

- Ku qor erayga '**Aqoonsi**' sabuuradda.
- Weydii ardayda: Maxay 'aqoonsi' ka dhigan tahay?
- Dood kooban oo fasalka ah: ka fikir fikrado iyo erayo la xiriira 'aqoonsi' (tusaale, hiwaayado, hibbooyin, dhaqanka, riyooyinka).

2. Dood La Hagayo (15 daqiiqo)

- Soo bandhig oo ka dood su'aalaha soo socda mid mid:
 - Haddii aad isku tilmaami lahayd saddex eray, waa kuwee erayadaas, maxaase sabab u ah?
 - Maxaad ugu faan badan tahay naftaada?
 - Maxaad ugu jeceshahay inaad sameyso oo runtii kuu muuqata qayb ka mid ah qofnimadaada?
 - Yaa ama maxaa kugu dhiirrigeliya inta badan, sideese taasi u saameysaa noloshaada?
 - Haddii lagu aqoonsan lahaa wax gaar ah, maxay noqon lahayd?
- Ku dhiirrigeli ardayda inay marka hore si afka ah uga wada hadlaan jawaabaha gaagaaban koox koox ama koox yar, ka dibna fasalka oo dhan.

3. Hawl Qoraal ah (20 daqiiqo)

- U Sharax ardayda shaqada guriga: qoritaanka hal weedh oo naftooda ka hadlaysa iyo iyagoo sawir ay sawireen ku muujinaayo.
- Tusaale u soo bandhig sida loo qoro jumlad ama weedh:
 - Ku bilow si hordhac ah ('Magacaygu waa..., waxaana isku tilmaami lahaa sida...')
 - Isticmaal qaar ka mid ah fikradihii doodka ka soo baxay.
 - Ku soo gabagabee jumlada xidhitaanka ('Kani waa qofka aan ahay, waana ku faanayaa!')



Co-funded by
the European Union



- Ardaydu ha bilaabaan qorista weedhaha fasalka dhexdiisa (waxay ardaydu ku dhammayn karaan qoraalka fasalka gudahiisa haddii kale wakhti kale sii ardayda).

4. Hawl sawirid ah (10 daqiiqo)

- Kadib marka ay wax qoraan, ardaydu waxay bilaabayaan inay sawiraan sawir - gacmeedyo iyo qoraal isku xiga.
- Tani waxay noqon kartaa sawir dhab ah ama mid astaan ah (oo muujinaya xiisahooda ama riyooyinkooda).

5. Gunaanad (5 daqiiqo)

- Iskaa wax u qabso degdeg ah: dhowr arday ayaa wadaagi kara hal jumlad oo ka mid ah qoraalkooda ama wax muujinaaya sawirraddoodii hore.
- Xusuusi inay dhammeeyaan shaqada guriga haddii aan la dhammayn: Dhammay qoraalkaaga iyo sawirkaaga xisadda xigta!

Shaqo guri:

- Dhammaystir qoraalkaaga oo sharaxaya qofka aad tahay.
- Dhammaystir sawir qofeedkaaga.

Qiimayn:

- Ka qaybgalka doodda.
- Dhammaystirka iyo fikirka ku jira qoraalka iyo sawirka.

Translator: Abdullahi Ahmed – Uppsala - Sweden